

UGOVOR

o nabavci potrošnog materijala

zaključen između

JAVNA USTANOVA HISTORIJSKI ARHIV SARAJEVO, Alipašina 19, Sarajevo, kojeg zastupa mr. sci. Fuad Obranović, direktor (u daljem tekstu: kupac)

i
FRANEX TRADE d.o.o. Sarajevo, ul. Vilsonovo šetalište 9, kojeg zastupa Jerković Dragan, direktor (u daljem tekstu: prodavac)

I OPĆE ODREDBE

Član 1.

Ovim Ugovorom je regulisan predmet Ugovora, prava i obaveze ugovornih strana, način isporuke ugovorenih roba, način plaćanja, važnost Ugovora.

II PREDMET UGOVORA

Član 2.

Predmet Ugovora je nabavka i sukcesivna isporuka potrošnog materijala navedenog u specifikaciji ponude u postupku javnih nabavki postupkom direktnog sporazuma u 2019. godini, u ukupnom iznosu od 3.000,00 bez PDV-a KM.

Davalac usluga je dostavio ponudu 04.07.2019. godine koja odgovara uslovima iz tenderske dokumentacije na osnovu čega je prodavac izabran da izvrši nabavku robe koja je predmet ovog ugovora.

Ugovorna jedinična cijena ponude je 1.346,67 KM sa uračunatim PDV-om.

Ponuda davaoca usluga je sastavni dio ovog ugovora.

III CIJENE, USLOVI ISPORUKE I DRUGI USLOVI

Član 3.

Cijena, kvalitet, rok isporuke i plaćanje za isporučeni potrošni materijal koja je navedena u ponudi je nepromjenjiva, kako je navedeno u izjavi prodavca.

Član 4.

Prodavac garantuje za kvalitet i kvantitet isporučene robe, a kvalitativni i kvantitativni prijem se vrši na mjestu preuzimanja robe. U slučaju naknadno otkrivenih nedostataka prodavac će iste priznati u roku od tri dana uz potpisan zapisnik o prijemu robe.

Član 5.

Prodavac se obavezuje da će po prijemu narudžbenice sa naznačenim količinama odmah izvršiti isporuku potrošnog materijala u sjedište naručioca- kupca.

Član 6.

Naručilac je dužan da obavjesti prodavca za sve eventualne promjene koje bi bitno utjecale na elemente Ugovora u smislu statusnih promjena, lica ovlaštenih za zastupanje, promjena sjedišta.

IV USLOVI PLAĆANJA

Član 7.

Prodavac će po isporučenoj robi naručiocu ispostaviti fakturu na osnovu narudžbenica (obračunski period teče od prvog do tridesetog u mjesecu).

Član 8.

Nakon prijema robe kupac će izvršiti isplatu ugovorene cijene u roku od 30 dana na transakcijski račun prodavca broj 16100000005300019 koji je otvoren kod Raiffesen banka u Sarajevu.

V PERIOD ISPORUKE, VAŽNOST I TRAJANJE UGOVORA

Član 9.

Ugovorne strane su se sporazumjele da se isporuka potrošnog materijala vrši sukcesivno, a prema potrebama naručioca u ugovornom periodu od dana zaključivanja Ugovora kako je navedeno u članu 2. ovog Ugovora.

Član 10.

Ugovor je punovažan nakon potpisivanja obje strane. Promjene uslova ovog ugovora mogu biti izvršene samo u pismenoj formi.

VI PRELAZNE I ZAVRŠNE ODREDBE

Član 11.

Ugovorne strane će eventualne sporove rješavati međusobnim dogovorom. Ukoliko se nastali spor ne bude mogao okončati mirnim putem nadležan je Općinski sud u Sarajevu.

Član 12.

Svi elementi ovog Ugovora spadaju u poslovnu tajnu i ovaj princip treba da poštuju obje strane.

Član 13.

Ugovor je sačinjen u četiri istovjetna primjerka od kojih po dva pripadaju ugovornim stranama.

ZA KUPCA:

DIREKTOR

Mr. sci. Fuad Orahović

Broj: 02-1819-14/19

Sarajevo, 15.07.2019.godine



ZA PRODAVCA:

DIREKTOR

Jerković Dragan

Broj:
Sarajevo,

